

तिष्ठत् । तदश्वत्थस्याश्वत्थत्वम् । यदाश्वत्थो वृजो भ-
वति । स्व एवैनं योनौ प्रतिष्ठापयति ॥ २ ॥

त्रिष्टुभश्छन्दसोऽधिनिर्मिमोते जुहोति नव च ॥

अनु० १२ ॥

त्रयोदशोऽनुवाकः ।

आ ब्रह्मन् ब्राह्मणो ब्रह्मवर्चसी जायतामित्याह ।
ब्राह्मण एव ब्रह्मवर्चसं दधाति । तस्मात् पुरा ब्राह्मणो
ब्रह्मवर्चस्यजायत । आस्मिन्नाष्ट्रे राजन्य इषव्यः शूरो
महारथो जायतामित्याह । राजन्य एव शौर्यं महि-
मानं दधाति । तस्मात् पुरा राजन्य इषव्यः शूरो म-
हारथोऽजायत । दोग्ध्री धेनुरित्याह । धेन्वामेव पयो
दधाति । तस्मात् पुरा दोग्ध्री धेनुरजायत । वोढान-
ञ्चानित्याह ॥ १ ॥

अनडुह्येव वीर्यं दधाति । तस्मात् पुरा वोढानञ्चा-
नजायत । आशुः सप्तिरित्याह । अश्व एव जवं दधा-
ति । तस्मात् पुराशुरश्वोऽजायत । पुरन्धिर्योषेत्याह ।
योषित्येव रूपं दधाति । तस्मात् स्त्री युवतिः प्रिया भा-
वुका । जिष्णूर्येष्टा इत्याह । आह वै तच्च जिष्णूर-
येष्टा जायते ॥ २ ॥